

Kalle....en ouch nog get zègke.



**Dao zeen vää minse, die kalle,
Zónger get te zègke.
Det kèntj mich neet bevalle,
Det hoof ich uch neet oet te lègke.**

**Ze blieve mer zwamme,
Zónger zich good oppe huuegte te stèlle.
En den....det ieëwig doordramme,
Det hoof ich uch ouch neet te vertèlle.**

**Ouch inne politiek,
Nao 'n oer hóbbe ze nog niks gezag.
't Liektj dök mieë op 'n aw-bette kliek,
Dao haet 't landj neet op gewach.**

**Ze bazele dök oere lank,
Hun verhälke blieve ze aafdrejje.
En dich probere ze es dank,
Nog ein oar aan te nejje.**

**Vää directeure,
Huuere zichzelf gaer spraeke.
Doe kèns 't verhaol van achter nao veure,
Mer thoes.... Kènne ze gein pötje braeke.**

**Ze kalle mer door, die vente,
Zónger te loestere nao 'ne angere mins,
Mit gooj argumente.
Lik se die 't zwiege op, det is pure wins.**

**Daoróm: kal oppertied,
Det is 'n belangrieke taak.
Vrunj weurs se daodoor neet kwiet,
En det is 'n gooj zaak.**

**Zwiege is goud,
Mer kal ouch van dich aaf.
Want zwiege is dökker fout,
Minse: Haotj uch gezóndj en blief braaf!**

Pitje vanne Meister.

